

EAJ-EA koalizioa Araban, Bizkaian eta Gipuzkoan garailetzat jo du inkesta batek

Bilbon eta Donostian ere hala izanen dela dio Jaurlaritzak, eta Gasteizen PP

Erredakzioa / Gasteiz


EAJ-EA abertzaleen arteko koalizioak irabaziko ditu udal eta foru hauteskundeak Araban, Bizkaian eta Gipuzkoan. Biltzarkide gehien izango dituen taldea izango den arren, Araban zailtasunak izango lituzke diputatu nagusia erdiesteko, alderdi espainiarrek indarrak batuko balituzte.

EAJ-EA koalizioak irabaziko ditu udal eta foru hauteskundeak ekainaren 13an, baina elkartzek ez du ekarriko orain bien artean duten biltzarkide kopurua gehitzea. Egin duen inkestaren berri eman zuen atzo Jaurlaritzak, eta bertan agertzen denez, EAJ-EAren atzetik PP izango da, EAEko hauteskundeetan izan zuen boto kopuruari eutsiz. Ondoren EH, zeinek urriko hauteskundeetako goranzko joera berretsiko lukeen. Hirugarren PSE-EE eta IU azkenik.

Gipuzkoan EA-EAJ koalizioari 19 biltzarkide iragarri dizkio Jaurlaritzak. 1995eko hauteskudetan, bien artean, 22 izan zituzten. PPK zazpi izan zituen eta orain gutxienez bat gehiago izango luke, edo bi agian. EHk ere gora egingo du, 11 izatetik 13 edo 14 biltzarkide izatera pasatuko baita. PSE-EEK, aldiz, bat galduko luke eta zortzirekin geratu, eta IUk dituen biekien segituko luke.

Arabian bi ezaugarri izango dituzte hauteskunde hauek: Cuerda efektua eta UAren

Batzar Nagusietarako aurreikuspenak



■ ■ ■ EAJ-EAren atzetik PP geratuko da, EAEko hauteskundeetan izan zuen boto kopuruari eutsiz; ondoren EH, urriko hauteskundeetako goranzko joera berretsiz

■ ■ ■ Gasteizen PPK Jose Angel Cuerdaren hutsunea eta UAren beherakada aprobetxatuko luke lehen alderdia izateko

■ ■ ■ Donostian, zinegotzi kopuruan ez da alde handirik espero, baina bai, ordea, alkatetzan

galera. Pozik hartuko du PPK, egoera biei etekina ateratzea espero baitu. Izan ere, EAJ-EA koalizioak ozta-ozta eutsiko dio lehen postuari. Iragarpenak dio 15 edo 16 biltzarkide lortuko dituela, aurrekoan 19 izan zituen arren. PPK, ordea, 13 edo 14 erdietsiko lituzke. EHk lau bakarrik zituen, eta orain sei edo zazpi

izango ditu. UAk, berriz, lau edo bost galduko ditu, eta bederatzi biltzarkideak lau edo bostean geratuko dira. PPK ez ezik PSE-EEK ere etekina aterako dio egoerari: zazpitik bederatzira pasatzea espero du.

Bizkaian aldaketa gutxiago espero dira. EAJ-EAk bere nagusitasuna erakutsiko du

eta zituen biltzarkideekin geratuko da: 21. Agian bat gutxiago izango du. PPK orain baino bat edo bi gehiago izatea espero da, 10 edo 11, eta EHk zazpi edo zortzi, orain baino bi edo hiru gehiago. PSE-EEK eta IUk bana galduko lukete eta Gorodoren ICVk dituen biak.

Hiriburuei dagokienez, Gasteizen PPK Jose Angel Cuerdaren hutsunea eta UAren beherakada aprobetxatuko luke lehen alderdia izateko. Bigarren EAJ-EA, baina PPK lortuko lituzkeen zinegotzi kopuru berarekin: zazpi bakoitzak. Bilbon Josu Ortuondok ez du arazorik izango alkatetza erdiesteko, 11 zinegotzi izatea espero baitu. PP bigarrena litzateke zazpirekin eta PSE-EE ondoren bost zinegotzirekin. ICVk lau galduko lituzke, Ortuondoren pozerako. Donostian, zinegotzi kopuruan ez da alde handirik, baina bai alkatetzan: EAJ-EAk 8, PSE-EEK 7, PPK 6, EHk 6, eta litekeena da IUk bat bera ere ez lortzea.

‘GALen kamioilariaren’ kasuan, hilketen «egile intelektualak» ikertzeko eskatu du fiskalak

■ 66 urteko kartzela zigorra eskatu du 1986an egindako bi hileketengatik

Agentziak / Madril

JAVIER BALAGUER Entzutegi Nazionalako fiskalak esan du Miguel Brescia GALen kamioilaria-ren kasuan «hilketen egile intelektualak» ikertu behar direla. Era horretan adierazi du kasua berriz ere zabaldu behar dela.

1986an Bidarrain Christobal Matxikote eta Catherine Brion ustez hil zituen Miguel Bresciaren kontrako epaiketa egiten ari da, eta fiskalak adierazitakoaren arabera, «Brescia borrero paper tritea egin zuen». Gaineratu zuenez, «mertzenario baten aurrean gaude, faxista aktibo baten aurrean». Benetako hiltzaileak zigor gabe aske daudela azpimarratu zuen.

Fiskaltzak 66 urteko kartzela zigorra eskatu du Bresciarentzat, eta 30 milioi pezetako kalteordaina.

Akusazio partikularrak, oster, GALen kamioilaria talde armatu bateko kide dela diote. Akusazioak esandakoaren arabera, «hilketa horiek erabili egin zituzten. GALen helburua izan zen Frantziako herri-tarrengan beldurra sartzea, era horretan Frantzia eta Espainiaren arteko parte hartzea sendotzeko».

Miguel Sanzek eta Juan Jose Ibarretxek bilera egingen dute Nafarroako hiriburuan

■ Aurki egingen dutela iragarri dute, baina data zehazteke dago oraindik

Juan Kruz Lakasta / Iruñea

NAFARROAKO FORU ERKIDEGOKO lehendakari Miguel Sanzek eta Euskal Autonomia Erkidegoko lehendakari Juan Jose Ibarretxek bilera egingen dute aurki Iruñean, oraindik zehazteke dagoen egun batean. Atzo Radio Nacional de España irratiari eginiko adierazpenetan, Sanzek bileran izanen duen

jarrerari iragarri zuen: «Beti bezala, exijituko dut Nafarroaren eta EAEn arteko harremanak leialtasunean eta gure errealitate politiko-instituzional ezberdinen errespetuan oinarritutik egotea».

Nafarroako Gobernuak iturrien arabera, Ibarretxe lehendakari karguaz jabetu zelarik Sanzek telefonoz deitu zion zorionak emateko, eta

elkarrizketa hartan sortu zen bilera egiteko ideia. Ibarretxeren agenda arintzen zelarik elkartzekotan geratu ziren. Duela bi aste Ajuria Enetik Nafarroako Jauregira deitu zuten, agenda jada arinduta zegoela adierazteko, eta data zehazteko eskatuz. Data zehazteke badago ere, bilera aurki eta Iruñean egingen dutela iragarri zuten iturri berek.



Miguel Sanz, atzo Iruñean, Jose Maria Aznarrekin batera.